


Nettengd Biblía fyrir börn

kynnir



Salómon, hinn vitri konungur



Höfundur: Edward Hughes
Myndskreytingar: Lazarus
Aðlagð af: Ruth Klassen
Alastair Paterson
Þýðandi: Þráinn Kristjánsson
Framleiðandi: Bible for Children
www.M1914.org


BFC
PO Box 3
Winnipeg, MB R3C 2G1
Canada

©2020 Bible for Children, Inc.

Skilmálar: Þér er heimilt að afrita eða prenta þessa sögu,
en ekki selja.

Davíð konungur var einn af allra bestu þjónum Guðs.
Ísrael varð tíu sinnum stærra og völdugra á
valdaskeiði hans en það var á dögum Sáls konungs.

Davíð var orðin gamall, þreyttur og heilsulítill,
og var ævi
hans nú
senn á
enda.







Einn af sonum Davíðs var Adónía. Hann gerði kunnugt að nú mundi hann verða konungur. Þótt nafn hans þýddi "Drottinn minn er Guð" reyndist hann ekki góður maður. Hann ætlaði að ræna konungsveldinu, vitandi að Davíð var of gamall og þjáður til að mótbæra, en ætlun Guðs var önnur.


3

Batseba, kona Davíðs, vissi að Salómon átti að verða konungur. Hún sagði Davíð frá áætlunum Adónía. Davíð kallaði nú fyrir ráðgjafa sína og gerði síðan kunnugt að Salómon hefði verið settur konungur Ísrael.



4

Eftir að Davíð hafði sagt fólkinu að Guð hafði kosið Salómon konung yfir Ísrael, varð konungsfyrirætlun Adónía þar með úr sögunni. Davíð konungur, hinn góði þjónn Drottins, dó skömmu síðar.



5



Áður en hann dó, talaði Davíð við Salómon um að vera hlýðinn Drottni, "Gakktu í vegum hans svo að þér megi vegnast vel, og lánast allt sem þú tekur fyrir." Þetta voru góð heilræði. Sat nú Salómon í háseti föður síns, Davíðs, og stóð veldi hans traustum fótum.

6

Nótt eina birtist Drottinn Salómon í draumi og sagði, "Segðu hvað þú vilt að ég gefi þér." Hvernig hefðir þú svarað?



7

Salómon bað Guð um dómgreind til þess að geta verið góður konungur. Drottni féll vel við bón Salómons, og veitti honum það er hann óskaði. Guð lofaði honum líka auðlegð og heiður.




8

Ekki leið á löngu áður en fólkið uppgötvaði visku Salómons. Dag nokkurn komu tvær mæður með eitt barn til hans. "Sonur þessarar konu dó um nótt, og hún skipti sínu dauða barni í staðinn fyrir mitt lifandi barn." sagði önnur þeirra. "Nei! Lifandi barnið er sonur minn, og dauða barnið er sonur þinn," sagði hin konan. Hverju átti konungur að trúá?



9

Þá sagði konungur, "Færið mér sverð." Svo konungi var fært sverð. Hvað geturðu ýmindað þér að konungurinn ætlaðist fyrir með sverðið?



10

Og þá sagði konungur, "Höggvið þetta barn í tvennt og fáið hvorri sinn helming." Þá sagði móðir lifandi barnsins, "Æ herra minn, fáðu henni barnið, láttu ekki deyða það."




11

En hin sagði, "Það er best að hvorki ég né þú fáið það, höggðu barnið í tvennt."




12

Þá svaraði konungur og sagði, "Fáið fyrstu konunni barnið. Hún er móðir þess." Þegar fólkið heyrði um dóminn, fylltist það lotningu fyrir konungi sínum, og skildi að guðleg viska bjó í brjósti hans.




13

Það var ætlun Davíðs konungs að byggja hús fyrir fólkið til að dyrka Drottinn, en Guð sagði við hann, "Sonur þinn mun byggja hús í mínu nafni." Salómon hóf síðan að byggja musterið í Jerúsalem.



14

Það tók Salómon sjö löng ár að byggja hús Drottins. Svo einn góðan dag safnaðist allt fólkið í Ísrael saman til að heyra Salómon vígja hið nýja hús Drottins.




15

Að lokinni bæn konungs færði konungur, og allt fólkið saman komið, fleiri þúsund fórnir til Drottins í þakklætisskyni.




Stóð vígsluhátíðin yfir í tvær vikur.



16

Eftir hátíðina birtist Drottinn Salómon, og lofaði honum að blessa hann og Ísrael svo lengi sem þeir hlýðnuðust lögum hans.



17

En ekki leið á löngu þar til Salómon og Ísraelar hættu að hlýðnast Guði. Konungur, á móti vilja Guðs, giftist fjölmörgum konum, og sumum heiðnum, er komu honum til þess að dýrka falsguði. Í hjarta sínu, var hann ekki lengur trúr Drottni Guði sínum, eins og Davíð faðir hans hafði verið.



18


Jeróbóam var einn af mönnum Salómons. Eftir að spámaður einn sagði Jeróbóam að Guð hefði ákveðið að skipta konungsríkinu og að Jeróbóam ætti að ríkja yfir tíu ættbálkum Ísraels, gerði Jeróbóam uppreisn gegn konungi. Hann síðar gerði sér ljóst að Salómon mundi láta drepa hann, og flúði til Egyptalands.



19

Pegar Salómon dó, varð sonur hans Rehobeam konungur eftir hann. Rehobeam jók skatta fólksins að mun, og varð mjög óvinsæll fyrir. Tíu ættbálkana gerðu uppreisn og kusu

Jeróbóam sem konung. Nú varð ríki Salómons skipt í tvennt, eins og spámaðurinn hafði sagt fyrir um. Guð blessar ekki óhlýðni.



20

Salómon, hinn vitri konungur


Sögu þessa úr heilagri ritningu, biblíunni,

er að finna í

Fyrri konungabók 1-12

“Þegar orð þín ljúkast upp, ljóma þau.”
Sálmarnir 119:130

21



22

60 22

Þessi biblíusaga er um okkar dýrlega Guð, sem skapaði okkur, og sem vill að þú þekkir hann.

Guð veit að við höfum öll gert rangt, sem hann kallar synd. Hegning syndarinnar er dauði, en Guð elskar þig svo mikið, að hann sendi sinn eina son, Jesú, til að deyja á krossi í hegningarskini fyrir syndir þínar. Svo vaknaði Jesús aftur til lífs, og fór heim til himnaríkis. Ef þú trúir á Jesú, og biður hann að fyrirgefa þér syndir þínar, þá fyrirgefur hann þér tafarlaust, og kemur til að lifa í þér, og þú með honum til eilífðar.

Ef þú trúir þessu, segðu þá eftirfarandi til Guðs:
Kæri Jesús, ég trúi að þú sért Guð, sem komst í líki manns til að deyja fyrir syndir mínar, og komst svo aftur til lífs. Ég bið þig að koma nú inní líf mitt og fyrirgefa mér syndir mínar, svo ég geti byrjað nýtt líf, og komið svo til að vera með þér í himnaríki. Hjálpaðu mér að hlýðnast þér, og lifa fyrir þig sem barn Guðs. Amen

Lestu biblíuna og talaðu við Guð á hverjum degi!

23